

«ՆԵՅՋՐԼ ՌԵՍՈՒՐՍԻՍ» ՍՊ ԸՆԿԵՐՈՒԹՅԱՆ ԿՈՂՄԻՑ ԼՈՒԻ ԲԵՐԴ ՀԱՄԱՅՆՔԻ
ՌԻՌՈՒՏ ԲՆԱԿԱՎԱՅՐՈՒՄ 2021-2024ԹԹ. ԵՐԿՐԱԲԱՆԱՀԵՏԱԽՈՒՋԱԿԱՆ
ՌԻՍՈՒՄՆԱՍԻՐՈՒԹՅԱՆ ԱՇԽԱՏԱՆՔՆԵՐԻ ԵՎ ՇՐՋԱԿԱ ՄԻՋԱՎԱՅՐԻ ՎՐԱ
ԱԶԴԵՑՈՒԹՅԱՆ ՆԱԽՆԱԿԱՆ ԳՆԱՀԱՏՄԱՆ ՀԱՅՏԻ ՎԵՐԱԲԵՐՅԱԼ ԿԱԶՄԱԿԵՐՊՎՈՂ
ՀԱՆՐԱՅԻՆ ԲԱՑ ԼՍՈՒՄՆԵՐԻ ԵՎ (ԿԱՄ) ՔՆՆԱՐԿՈՒՄՆԵՐԻ (1-ԻՆ ՓՈՒԼ)

ԱՐՁԱՆԱԳՐՈՒԹՅՈՒՆ

ՀՀ Լոռու մարզ, Լոռի Բերդ համայնք, գ.Ուոռուտ

16 ապրիլի 2021թ.

Սույն թվականի ապրիլի 14-ին, ժամը 12:00-ին ՀՀ Լոռու մարզի Լոռի Բերդ համայնքի Ուոռուտ բնակավայրի վարչական ղեկավարի նստավայրում կայացավ «Նեյջրլ Ռեսուրսիս» ՍՊ ընկերության կողմից Լոռի Բերդ համայնքի Ուոռուտ բնակավայրում 2021-2024թթ. երկրաբանահետազոտական ուսումնասիրության աշխատանքների և շրջակա միջավայրի վրա ազդեցության նախնական գնահատման հայտի վերաբերյալ կազմակերպված հանրային լսումներ:

Լսումներին մասնակցում էին Ուոռուտ բնակավայրի վարչական ղեկավար՝ Սերգո Զուլիալյանը, Լոռի Բերդի համայնքապետարանի երկրորդ կարգի մասնագետ Նեկտարինա Անդրեասյանը, «Նեյջրլ Ռեսուրսիս» ՍՊ ընկերության կողմից լիազորված անձ՝ Տարոն Նավասարդյանը, համայնքի բնակիչներ /մասնակիցների ցուցակը ստորագրություններով կցվում է/:

Հանրային լսումները վարեց Ուոռուտ բնակավայրի վարչական ղեկավար Սերգո Զուլիալյանը: Նա ներկայացրեց հանրային լսումների նպատակը և ասաց, որ խոսքը 20-30 հա տարածքի մասին է:

Այնուհետև ընկերության լիազորված անձ՝ Տարոն Նավասարդյանը ներկայացրեց, որ սա գործընթացի մեկնարկային փուլն է: Նա նշեց, որ այս լսումների արդյունքում նախնական համաձայնություն ստանալու դեպքում «Շրջակա միջավայրի վրա ազդեցության գնահատման

և փորձաքննության մասին» ՀՀ օրենքի պահանջներին համապատասխան կկազմվի շրջակա միջավայրի վրա ազդեցության նախնական գնահատման հայտ և կներկայացվի ազդակիր համայնքի քննարկմանը: Նա ներկայացրեց աշխատանքների նկարագրությունը, հիմնական տեխնիկական և տեխնոլոգիական լուծումները, հավելեց, որ համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի՝ մեր կողմից ծավալվող գործունեությունը հանդիսանում է փորձաքննության ենթակա գործունեություն: Միաժամանակ ներկաներին տեղեկացրեց, որ ելնելով աշխատանքների բնույթից, բացասական ազդեցությունը շրջակա միջավայրի և բնակչության կենսակերպի վրա կլինի նվազագույն: Հայտում կտրվեն հնարավոր ազդեցությունները, ինչպես նաև այդ ազդեցությունների բացառմանը, մեղմմանը, փոխհատուցմանը ուղղված բնապահպանական և սոցիալական միջոցառումներ, որոնք թույլ կտան էլ ավելի նվազեցնել կամ փոխհատուցել այդ ազդեցությունների հետևանքները: «Նեյչրլ Ռեսուրսիչ» ՍՊ ընկերության ներկայացուցիչը նշեց նաև, որ բնակչության հավանությունը ստանալուց հետո, երբ ընկերությունը կսկսի կատարել տարածքի ուսումնասիրություն և երբ սկսեն իրականացնել հանքավայրի շահագործումը՝ կստեղծվեն աշխատատեղեր:

Քննարկման ժամանակ հնչեցին կարծիքներ հանքի շահագործման վերաբերյալ. «Նեյչրլ Ռեսուրսիչ» ՍՊ ընկերության ներկայացուցիչը ասաց, որ ներկայումս խոսք չի կարող գնալ հանք բացելու մասին: Հանքավայրի շահագործման վերաբերյալ հարց բարձրացրեց Ուոուտ բնակավայրի վարչական ղեկավար Սերգո Ջուլիակյանը .- հանքը պետք է շահագործվի միայն փակ եղանակով, իսկ դեպի հանքավայր տանող ճանապարհը պետք է անցնի Սարատովկա, Տաշիր համայնքի վարչական տարածքով: «Նեյչրլ Ռեսուրսիչ» ՍՊ ընկերության ներկայացուցիչը ասաց, որ ինքը ներկայացրեց ընթացակարգը, այդ գործընթացը բաժանվում է երկու մասի: Այդ հարցը կքննարկվի հաջորդ փուլերում: Այնուհետև նա դիմեց ներկաներին,- այժմ լսենք ձեզ, ձեր դիտողությունները և առաջարկները:

1. Սերգո Ջուլիակյան - Երբ աշխատանքները սկսվեն, վնասի փոխհատուցումը պետք է համաձայնեցնել հողատերերի հետ:


2. **Տարոն Նավասարդյան** - Հողատերերի տարածքում աշխատանքներ կատարելուց հետո նորից տարածքը կհարթեցվի, բայց երեք տարի է անհրաժեշտ, ոպեսզի տվյալ տարածքը նախկին տեսքը ստանա: Դրա համար բոլոր հողատերերը փոխհատուցում կստանան:
3. **Վլադիմիր Բարսեղյան**- Երբ են նախատեսվում աշխատանքները սկսել:
4. **Տարոն Նավասարդյան**- Այս գործընթացը մի քանի փուլերով է: Հաջորդ՝ երկրորդ լսման ժամանակ գալու ենք նախարարության ներկայացուցչի հետ, ով ավելի մանրամասն կներկայացնի նախատեսվող աշխատանքները, եթե իհարկե հիմա ստանանք նախնական համաձայնությունը առաջին փուլի՝ նախնական գնահատման հայտի համար, ապա հաջորդ հանդիպումը նախատեսվում է մոտավորապես երկու, երեք ամիս հետո:
5. **Անուշ Օհանյան** - Կարծում եմ, որ նախատեսվող աշխատանքները համայնքի համար կլինեն եկամտաբեր, ձեր անհատական մոտեցումը կապված հողատերերի վնասի փոխհատուցման հետ՝ կլինի անհրաժեշտ: Ես ոչ միայն դեմ չեմ տարածքի ուսումնասիրությանն ու շահագործմանը, այլ նաև, ինչպես նշվեց աշխատատեղեր ստեղծվելու մասին՝ դա շատ գովելի է, որոշ ընտանիքներ կլուծեն իրենց առօրյա խնդիրները: Այլ երկրներ ունեն նավթ, ինչու չէ մենք էլ ունենանք այլ օգտակար հանածոներ, որը կլինի ի նպաստ պետության ուժեղացման, ժողովուրդը կունենա քիչ թե շատ բարեկեցիկ կյանք: Իսկ հետագայում հանքը կլինի բաց թե փակ, դա արդեն այլ հարց է:
6. **Սամվել Զուլհալյան** - Ավելի լավ կլինի աշխատանքները սկսվեն խոտհունձից հետո:
7. **Տարոն Նավասարդյան** - Այո, կարծում եմ այդպես էլ կլինի:

Վարդո՝ Ուոուտ բնակավայրի վարչական ղեկավար՝  **Ս. Զուլհալյան**

Արձանագրող՝

Նախաձեռնող

Նեյչրի Ռեսուրսի  **Ս. Նավասարդյան**

 **Ն. Անդրեասյան**

 **Տ. Նավասարդյան**

Հանրային քննարկումների պատասխանատու

ԼՈՐԻ ԲԵՐԴ ՀԱՄԱՅՆՔԻ ՂԵԿԱՎԱՐ՝

 **Ա. ՆԵՐՍԻՍՅԱՆ**